

---

**■ SAN MUREZZAN**

---

**«European green power  
marketing conference» -  
l'ecologia as fa viva**

(ht) Als 28 e 29 da quist mais ha lö a San Murezzan la prüma «European green power marketing conference». Quist forum per energia netta dess gnir visità da passa 150 persunas da tuor il muond.

Intant cha in California vain serrada giò la forza electrica ed intant cha'l president dals Stadis Units da l'America decida da prodüer electricità cun oubras da charbun, öli ed energia atomara, s'inscuntran a San Murezzan quels chi vöglian marchantar cun energia prodotta cun agiüd da funtanaz regenerablas sco energia idraulica, energia da vent ed energia da sulai. In vista a l'avertüra dal marchà d'energia, as driva a l'energia electrica, chi vain prodotta da maniera ecologica, ün grond marchà. I vala però da's far valair sül marchà e da muossar cha l'energia electrica chi vain missa a disposiziun, haja daplü valor ecologica sco per exaimpel l'energia dad oubras da charbun. Perquai douvra daplü sforz sül sector da marketing e perquai gioda la conferenza a San Murezzan eir un grond interess.